

**SABAHUDIN DELALIĆ**  
**Zastupnik SDA**  
**Skupština Kantona Sarajevo**

15. radna sjednica Skupštine Kantona Sarajevo

Na osnovu člana 106. Poslovnika o radu Skupštine Kantona Sarajevo postavljam sljedeću

### **ZASTUPNIČKU INICIJATIVU VLADI KANTONA**

Tražim da Vlada Kantona u Strategiju razvoja 2014-2010 kao posebnu aktivnost, sa posebnim zaduženjima, sredstvima i izvorima, te pokazateljima i rezultatima, uvrsti asfaltiranje puteva u naseljima u Kantonu gdje pristupni putevi do legalno sagrađenih kuća nisu asfaltirani.

#### **Obrazloženje:**

Jedan dio kuća u Kantonu Sarajevo, iako legalno sagrađenih, nema asfalt do kuće. Iako su sredstava raspodijeljena po nivoima vlasti, ipak nekada nije u redu da se u određenim dijelovima grada mijenja solidan asfalt, recimo trotoari, dok u Kantonu ima i onih koji nemaju nikakav asfalt. To može biti pokazatelj raspodjele koju treba mijenjati, a sve u cilju da se napravi ravnopravan odnos prema svi građanima.

Na prethodno zastupničko pitanje od 12.11.2015. g. u vezi iste materije, da se dostavi jedinstven tabelarni pregled po općinama, sa brojem puteva, procijenjenom dužinom u metrima, brojem stanovnika koje pokrivaju, procjenom potrebnih troškova te vremenskim planom asfaltiranja, putem Direkcije za puteve KS su 21.01.2016. g. dostavljeni odgovori od općina koji pokazuju da je dinamika rješavanja ovog pitanja od 6,5 do 20 godina, ako je uopće i napravljena.

Ovakav odgovor pokazuje potrebu za strategijom ili planom, da se zna kada je šta planirano, jer se sada radi godinu za godinu, i da taj dokument bude javno dostupan.

U međuvremenu je pripremljen Nacrt Strategije razvoja KS 2014-2010 godina koji uopće ne tretira i ne prepoznaje ovo pitanje kao toliko važno da bude uvršteno u dokument. Postoji "Mjera 4.4.1. Izgradnja i rekonstrukcija saobraćajnica i automatsko upravljanje saobraćajem" ali tu je više aktivnosti koje se odnose na rekonstrukciju i djelomično izgradnju, i iz kojih se ne može prepoznati da je asfaltiranje sada neasfaltiranih puteva u nadležnosti općina posebna i odvojena aktivnost.

Iz tog razloga tražim da Vlada Kantona u Strategiju razvoja 2014-2010 kao posebnu aktivnost, sa posebnim zaduženjima, sredstvima i izvorima, te pokazateljima i rezultatima, uvrsti asfaltiranje puteva u naseljima u Kantonu gdje pristupni putevi do legalno sagrađenih kuća nisu asfaltirani.

Pri tome bi bilo poželjno utvrditi planove i prioritete po godinama, te ih imati javno objavljene i ažurne, što omogućava tehnologija koju Vlada već sad ima na stranicama KS. Tako bi ljudi imali informaciju i kada se mogu nadati izgradnji tj. asfaltiranju puta.

Sarajevo, 30.05.2016. godine

  
**SABAHUDIN DELALIĆ**  
**Dopredsjedavajući Skupštine**